



Republika ng Pilipinas  
Lalawigan ng Laguna  
**BAYAN NG LOS BAÑOS**  
*Special Science and Nature City*  
**TANGGAPAN NG SANGGUNIANG BAYAN**  
Municipal Hall, National Highway, Brgy. Timugan,  
Los Baños, Laguna 4030 Philippines  
Email: losbaños@laguna.net

**SINIPI SA KATITIKAN NG IKA-TATLUMPU'T-TATLONG (33RD)  
PANGKARANIWANG PULONG NG SANGGUNIANG BAYAN NOONG SETYEMBRE  
06, 2021 NA GINANAP SA SANGGUNIANG BAYAN SESSION HALL, NATIONAL  
HIGHWAY, BRGY. TIMUGAN, LOS BAÑOS, LAGUNA.**

Dumalo : Bise Alkalde Josephine S. Evangelista, Tagapangulo  
Konsehal Miko C. Pelegrina  
Konsehal Janos S. Lapiz,  
Konsehal Geronimo A. Ciceron  
Konsehal Marlo PJ A. Alipon  
Konsehal Mark Lester B. Dizon  
Konsehal Cris Dayril B. Bagnes  
Konsehala Rodora P. Loares  
Konsehala Jozylyn N. Manansala, Pangulo ng Pambayang Pederasyon ng  
Sangguniang Kabataan  
  
Kalihim Dona T. Alborida  
Gng. Felomina I. Lincallo, LLSO I

Di-Nakadalo : Konsehal Mike Dexter A. Concio  
Konsehala Arlene P. delos Santos, Pangulo ng Liga ng mga Barangay

Panauhin : Wala

**KAPASIYAHAN BLG. 2021-184**

**KAPASIYAHAN NA NAGSASAAD NG MALUGOD NA PAGBATI AT PAGKILALA NG  
SANGGUNIANG BAYAN NG LOS BAÑOS KAY ALTHEA ANGELA S. PABLO, MAG-  
AARAL NG SOUTH HILL SCHOOL, INC. MULA SA BARANGAY SAN ANTONIO, SA  
KANIYANG PAGWAWAGI NG UNANG GANTIMPALA SA GINANAP NA KOMISYON  
SA WIKANG FILIPINO (KWF) TIMAPALAK JACINTO SA SANAYSAY 2021.**

May Akda: Konsehala Rodora P. Loares

**SAPAGKAT**, ang Timpalak Jacinto sa Sanaysay ay taunang patimpalak ng Komisyon sa Wikang Filipino (KWF), sa pakikipag-ugnayan sa Kagawaran ng Edukasyon (DepEd), na naglalayong himukin ang mga kabataang mag-aaral na nasa Baitang 7 hanggang 11 mula sa iba't ibang panig ng bansa na magpamalas ng pagmamahal sa katutubong wika sa pamamagitan ng pagsusulat at pagsusumite ng orihinal na sanaysay. Ipinangalan ang timpalak kay Emilio D. Jacinto (1875-1899), kabataang manunulat at dakilang anak ng bayan. Ang timpalak ay bahagi ng pagdiriwang ng Buwan ng Wikang Pambansa tuwing Agosto;



**SAPAGKAT**, noong ika-25 ng Marso 2021 binuksan ang **KWF Timpalak Jacinto sa Sanaysay 2021**. Ika-25 ng Hunyo 2021 ang itinakdang huling araw ng pagsusumite ng sanaysay. Bilang pakikiisa sa tema ng Buwan ng Wikang Pambansa 2021, "**Filipino at mga Katutubong Wika sa Dekolonisasyon ng Pag-iisip ng mga Pilipino**", kasaysayan ng kani-kanilang lugar/probinsya ang tampok sa mga sanaysay. Kailangang nasusulat sa Filipino ang lahok, orihinal at hindi pa nailalathala, at hindi rin salin mula sa ibang wika at kailangang sumusunod ang paraan ng pagsulat sa mga tuntuning nakasaad sa KWF Ortograpiyang Pambansa at Manwal sa Masinop na Pagsulat;

**SAPAGKAT**, noong ika-24 ng Agosto 2021, inianunsyo ng KWF sa pamamagitan ng kanilang *official Facebook Page* na si **Althea Angela S. Pablo**, mula sa Barangay San Antonio, ang nagwagi ng **Unang Gantimpala** sa Timpalak Jacinto sa Sanaysay 2021 para sa kaniyang lahok na "**Los Baños sa Ilalim ng Maharlika ni Maria**". Si Althea Angela S. Pablo, 16 na taong gulang, ay isang mag-aaral sa **South Hill School, Inc** na nasa ika-11 na Baitang. Makakatanggap siya ng ng Php 20,000.00, medalya at plake. Ginabayan siya ng kaniyang guro sa Filipino na si **G. Karl Gabrielle Delos Santos** na pagkakalooban din ng Sertipiko ng Pagkilala;


**SAPAGKAT**, ang **Sangguniang Bayan ng Los Baños** ay malugod na bumabati at kinikilala si Althea Angela S. Pablo na nagpamalas ng kaniyang husay at talento sa pagsusulat ng sanaysay. Binabati rin ng sanggunian ang kaniyang mga magulang at guro na gumabay sa kaniyang paglahok. Ang kaniyang pagkapanalo sa nasabing timpalak ay nagbigay ng pagkilala at karangalan hindi lang sa kaniyang paaralan kundi sa bayan rin ng Los Baños;

**KUNG KAYA'T DAHIL DITO**, sa mungkahi ni Konsehala Rodora P. Loares, pinangalawahan ni Konsehal Cris Dayril B. Bagnes at buong pagkakaisang sinang-ayunan ng lahat ng konsehal na dumalo sa pulong;

**IPINASIYA, GAYA NG MAGALANG NA PAGPAPASIYA**, ang malugod na pagbati at pagkilala ng Sangguniang Bayan ng Los Baños kay Althea Angela S. Pablo, mag-aaral ng South Hill School, Inc. mula sa Barangay San Antonio, sa kaniyang pagwawagi ng Unang Gantimpala sa ginanap na KWF Timpalak Jacinto sa Sanaysay 2021.


**PINAGTIBAY: SETYEMBRE 6, 2021.**

PINATUTUNAYAN KO ang kawastuan ng Kapasiyahang ito.

  
**DONA T. ALBORIDA**

Kalihim para sa Sangguniang Bayan

PINATOTOHANAN:

  
**KGG. JOSEPHINE H. SUMANGIL-EVANGELISTA**  
Bise Alkalde/Tagapangulo